



Broj: 10/E-11-5195/24  
Sarajevo, 07-10-2024 godine

Na osnovu člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), u skladu sa Službenom zabilješkom Službe za lokalno-ekonomski razvoj i mjesnu samoupravu broj: 11/B-11-sl./24 od 13.9.2024. godine, a na prijedlog Kabineta općinskog načelnika - Odsjeka za javne nabavke, u postupku javne nabavke **za usluge digitalnog osposobljavanja MSP-ova za promociju i digitalnu transformaciju poslovanja**, proveden u skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama, Obavještenje o nabavci usluge iz Aneksa II broj: 848-9-2-10-22-139/24 od 09.08.2024. godine, Općinski načelnik d o n o s i

## **O D L U K U**

### **o stavljanju van snage Odluke o izboru najpovoljnijeg ponuđača broj: 10/E-11-5195/24 od 04.09.2024. godine**

**I** Stavlja se van snage Odluka o izboru najpovoljnijeg ponuđača, broj: 10/E-11-5195/24 od 04.09.2024. godine, zajedno sa Zapisnikom o pregledu i ocjeni ponuda broj: 10/E-11-5195/24 od 26.08.2024. godine u postupku javne nabavke za usluge digitalnog osposobljavanja MSP-ova za promociju i digitalnu transformaciju poslovanja, iz razloga što dana 13.9.2024. godine Služba za lokalno-ekonomski razvoj i mjesnu samoupravu dostavila službeni zabilješku broj: 11/B-11-sl./24 uz ponudu ponuđača „ADHIVE“ d.o.o. Sarajevo. Postupak je proveden u skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama, Obavještenje o nabavci usluge iz Aneksa II broj: 848-9-2-10-22-139/24 od 09.08.2024. godine.

**II** Ovom Odlukom se zadužuje Komisija za nabavku roba, usluga i radova III (u daljem tekstu: Komisija III) da izvrši provjeru blagovremenosti dostavljene ponude „ADHIVE“ d.o.o. Sarajevo, te postupi u skladu sa odredbama Zakona o javnim nabavkama, te donese novu odluku nakon provjere svih činjenica za predmetni postupak.

**III** Ova Odluka će se objaviti na web stranici Općine Centar Sarajevo ([www.centar.ba](http://www.centar.ba)), istovremeno s upućivanjem iste ponuđačima koji su učesnici postupku javne nabavke, shodno članu 70. stav (6) Zakona o javnim nabavkama.

## **O b r a z l o ž e n j e**

Postupak javne nabavke za usluge digitalnog osposobljavanja MSP-ova za promociju i digitalnu transformaciju poslovanja, proveden u skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama, Obavještenje o nabavci usluge iz Aneksa II broj: 848-9-2-10-22-139/24 od 09.08.2024. godine. Predmetna nabavka je pokrenuta Odlukom Općinskog načelnika o pokretanju postupka broj: 10/E-11-5195/24 od 09.08.2024. godine. Javni poziv za predmetne usluge je objavljen na portalu javnih nabavki dana 09.08.2024. godine.

Procijenjena vrijednost javne nabavke iznosi 8.547,00 KM bez PDV-a. U roku za predaju ponuda koji je određenom javnim pozivom (20.08.2024. godine do 12:00 sati), na adresu ugovornog organa dostavljena je jedna ponuda ponuđača „REUNION“ d.o.o. Mostar. Javno otvaranje ponuda je zakazano za dan 20.08.2024. godine sa početkom u 13:00 sati. U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena dostavljene ponude, te je nakon izvršene provjere formalno-pravne ispravnosti iste, konstatovano da je ponuda ponuđača „REUNION“ d.o.o. Mostar prihvatljiva. Na osnovu preporuke Komisije III, Opštinski načelnik je donio Odluku o izboru najpovoljnijeg ponuđača broj: 10/E-11-5195/24 od 04.09.2024. godine.

Međutim, dana 17.09.2024. godine Služba za lokalno-ekonomski razvoj i mjesnu samoupravu dostavila je Kabinetu općinskog načelnika službenu zabilješku broj: 11/B-11-sl./24 od 13.09.2024. godine, u kojoj je navedeno da je dana 20.08.2024. godine ovoj službi iz pisarnice Općine Centar Sarajevo, dostavljena ponuda ponuđača „ADHIVE“ d.o.o. Sarajevo.

Obzirom da je ova služba raspisala **javni poziv za refundaciju dijela troškova digitalizacije poslovanja za obrte i MMSP-ove sa područja Općine Centar Sarajevo za 2024. godinu, greškom uposlenika pisarnice je** ponuda ponuđača „ADHIVE“ d.o.o. Sarajevo dostavljena u službu, umjesto u Kabinet općinskog načelnika – Odsjeku za javne nabavke (Komisiji III).

Kabinet općinskog načelnika – Odsjek za javne nabavke je na portalu javne nabavke objavio **javni poziv za usluge digitalnog osposobljavanja MSP-ova za promociju i digitalnu transformaciju poslovanja**, na osnovu zahtjeva Službe za lokalno-ekonomski razvoj i mjesnu samoupravu.

Ponuda ponuđača „ADHIVE“ d.o.o. Sarajevo je protokolisana u posebnu evidenciju javnih poziva pod brojem 1372 dana 20.08.2024. godine, dok je u knjizi ulazne pošte ponuda upisana ponuda ponuđača „REUNION“ d.o.o. Mostar dana 19.08.2024. godine. Obje koverte su imale identične nazive „Ponuda za usluge digitalnog osposobljavanja MSP-ova za promociju i digitalnu transformaciju poslovanja“, odnosno ispravne nazive predmeta javne nabavke.

Zbog nejednakog i nejasnog postupanja prijema navedenih ponuda, Kabinet općinskog načelnika – Odsjek za javne nabavke predlaže da se Odluka o izboru najpovoljnijeg ponuđača broj: 10/E-11-5195/24 od 04.09.2024. godine stavi van snage, zajedno sa Zapisnikom o pregledu i ocjeni ponuda broj: 10-30-462/24 od 26.08.2024. godine, te da se Komisiji III dostavi ponuda ponuđača „ADHIVE“ d.o.o. Sarajevo na dalje postupanje.

Komisija III se zadužuje da utvrdi blagovremenost dostavljene ponude ponuđača „ADHIVE“ d.o.o. Sarajevo, te nakon provjere svih činjenica u vezi navedenog, sačini prijedlog nove odluke za predmetne usluge.

Općinski načelnik je saglasan sa prijedlogom Kabineta općinskog načelnika - Odsjeka za javne nabavke, a u svemu sa odredbama Zakona o javnim nabavkama, podzakonskim propisima za predmetu nabavku.

Iz navedenih razloga, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona.

Dokaz o plaćenju naknadi za pokretanje žalbenog postupka u iznosu propisanom članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Prilog:

- Odluka o izboru najpovoljnijeg ponuđača broj: 10/E-11-5195/24 od 04.09.2024. godine, zajedno sa Zapisnikom o pregledu i ocjeni ponuda broj: 10/E-11-5195/24 od 26.08.2024. godine
- Službena zabilješka broj: 11/B-11-sl./24 od 13.9.2024. godine



#### **Dostaviti:**

1. „REUNION“ d.o.o. Mostar  
Ul. Blagaj bb, 88000 Mostar
2. „ADHIVE“ d.o.o. Sarajevo  
Ul. Hamdije Kreševljakovića br. 64/A 71000 Sarajevo
3. Kabinetu općinskog načelnika – Odsjek za javne nabavke
4. Službi za lokalno-ekonomski razvoj i mjesnu samoupravu
5. Službi za finansije
6. U spis